

Ammasumik ataatsimiinnermi oqaluuserisassat:

Imm. 01 Oqaluuserisassat akuersissutigineri

02. Allaffeqarfimmiit oqaasiinnartigut paasissutissiissutit

Imm. 2.1 Allaffeqarfimmiit oqaasiinnartigut paasissutissiissutit

03. Aningaasaqarnermut tunngasut

**Imm. 3.1 Kvartalit sisamaanni 2021 aningaasaqarnermut nalunaarusiaq –
Atugarissaarnermut Immikkoortoqarfik**

04. Suliassat nalinnaasut

Imm. 4.1 Innarluutilinnut siunnersooqatigiinnut qinersineq

06. Paasissutissiissutit

**Imm. 6.1 Isumaginninnermi ikiorsiissutit pillugit kaajallaasitaq 1. januaari 2020-miit
atuutilersoq pillugu paasissutissiissut.**

**Imm.6.2 Kalaallit Nunaanni meeqqanut inuusuttunullu suliniutit patajaallisarneqarnissaat
pillugit kalaallit qallunaallu oqartussaasoqarfiisa akimortumik suliallit akornanni
suleqatigiinnermi suliniutit killiffii pillugit ilisimatitsissut**

**Imm.6.3 Kalaallit Nunaanni ilaqtariit paarsisartoqarnerup paasiniaaffigineqarnera
pillugu paasissutissiissut**

08. Tamalaat

Ataatsimiinneq aallartippoq nal.13.03

Peqataasut:

Inuit Ataqtigiit

Juliane Enoksen, siulittaasoq, Sisimiut

Agathe Fontain, Sisimiut telefon-ikkut peqataavoq, ilannguppoq imm. 6.3 ingerlasoq

Siumut

Barnabas Larsen, Kangaamiut

Kirstine Olsen, siulittaasup tullia Sisimiut, telefon-ikkut peqataavoq

Naleraq

Jens M. Lyberth, Kangaamiut

Nalunaaruteqarlutik peqataanngitsut:

Nalunaaruteqaratik peqataanngitsut

Imm. 01 Oqaluuserisassat akuersissutigineri

Aalajangiineq

Ataatsimiinneq ataatsinut aallartittarnissaq naatsorsuutigineqarpoq.
akuersissutigineqarpoq

02. Allaffeqarfinniit oqaasiinnartigut paasissutissiissutit

Anganingaasaqarnikkut opdartering ingerlanneqartarnissaa naatsorsuutigineqartarnissaa.

Corona teste –erisarnissamut atortussat suli tikinnginnami.

Kommunimi sulisunut aammalu utoqqarnut sullitanut, sapaatip akunneranut 4.300 missaani atorineqartassapput.

Nike Berthelsen ulloq 24. Januar 2022 ulloq kingulleq sulisussaavoq. Nike-lu qujassuteqarpoq.

Estella paasisutissiivoq: Ippassaq Allorfik ataatsimeeqatigineqarnera pillugu paasissutissiivoq. Allaffissornermi allanngortinneqarlaarnikuuvoq, Innarlutillit aammalu utoqqarnik sullissit ataatsimoortillugit inissinneqarlutik.

Kinguaasiuutiminnik qaangiiffigineqarnikuusut meeqqat pillugit, sapaatip akunnera tulliani sulissutigineqartussaapput. Psykolog-nik pingasunik tikisitsisoqartussaavoq taakkualu meeqqat qaangiiffigineqarsimasut sammineqassapput.

Bertha paasissutissiivoq: Allaffissornermi allanngortitsilaarnikuupput Bistand-imi team 1-imilu ataatsimoortillugit. Ulloq unnuarlu angerlarsimaffimmu inissinaveersaariniarneq pillugu taamak inissiisimapput. Suleqatigiissutigineqartussat Velfærd udvalg-imut tullermut ilaatinneqarnissaat naatsorsuutigineqarpoq.

Maniitsumi Corona pillugu mattusimasussat, angerlarsimaffinnik mattusimanissat pillugit paatsuungassutigineqarput, kisianni ornittakkani maleruagassat malinneqarput.

03. Aningaasaqarnermut tunngasut

Imm. 3.1 Kwartalit sisamaanni 2021 aningaasaqarnermut nalunaarusiaq – Atugarissaarnermut Immikkoortoqarfik

Journalnr. 06.01.01

Tunuliaqutaq

Ukiup ingerlanerani ingerlatsivinni qaammatit pingasukkaarlugit atuiffiit pingaarnert qullersaqarfimmit nalunaarusiorneqartassapput. Matumuuna Atugarissaarnermut immikkoortortaqlarfimmit 2021-imi kvartal sisamaata naanerani nalunaarut saqqummiunneqarpoq.

Maleruagassatigut tunngavigisaa

Qeqqata Kommuniani karseqarnermut naatsorsuuteqarnermullu najoqqutassiaq. Aningasaqarneq pillugu nalunaarusiortarneq, missingersuutitigullu malinnaatitsisarnissaq pillugu Qeqqata Kommuniani ilitsersuut.

Pissutsit atuuttut

Aningaasaqarnermut takussutissat ataaniittut 2021-mi december-ip naanerani naatsorsorneqartuni kisitsisini oqimaaqatigiissitsinnermit aallaaveqarput.

2021-mi kvartalit sisamaanni oqimaaqatigiissitsilluni nalunaarusiaq aningaasaqarnermut immikkoortortamiit Atugarissaarnermut immikkoortortamut tunngasut ilanngussami takuneqarsinnaapput.

Atugarissaarnermut immikkoortoq tamakkerlugu qiviaraanni kr. 2.234.910 atuivallaartoqarpoq, imaluunniit procentinngorlugu 0,73%.

Aningaasaqarnikkut allaffissornikkullu kingunerisinnaasai

Massakuugallartumut aningaasaqarnermi imaluunniit sulisoqarnermi kinguneqanngilaq.

Atugarissaarnermut immikkoortortaqlarfik nalilersorpai suli aningaasaqarnermut aqutsineq sukatigaaq ingerlanneqassaaq immikkoortortaqlarfimmi aamma illorsuup avataani sullissivinni.

Allaffeqarfiup naliliinera

Atugarissaarnermut Immikkoortortaqlarfik aningaasaqarnermut ingerlatsinerat pisussaminiippoq, Namminersorlutik Oqartussanit ulloq unnuarlu paaqqinniffinnut akiligassat ukiup naanerani suli tamakkerlugit tiguneqanngillat. Taamaakkaluartoq aamma Namminersorlutik oqartussanut akiligassamik sanasoqarpoq, kukkusumik akiligassamik nassiussisimmammata Meeqqat Ilaqtariillu immikkoortortaannut, allaffeqarfimmiik akilerneqarsimasut.

Innersuussut

Atugarissaarnermut ataatsimiititaliamut akuereqqullugu innersuussutigineqarpoq:

4. Kvartalit sisamaanni 2021 aningaasaqarnermut nalunaarusiaq tusaatissatut tiguneqassasoq kingornalu Aningaasaqarnermut ataatsimiititaliamut kommunalbestyrelse-mullu ingerlateqqinneqassasoq.

Aalajangiineq

Akuersissutigineqarpoq

Ilanngussat

1. Kvartalsrapport 4. kvartal Atugarissaarnermut immikkoortortaq 2021

04. Suliassat naliginnaasut

Imm. 4.1 Innarluutilinnut siunnersooqatigiinnut qinersineq

Journalnr. 47.00

Tunuliaqutaq

Atuilluartaunissamat immikkoortortaq najugaqarfinni aviisit, nittartagaq kommuunillu facebookimi quppernera aqputigalugu innarluutilinnut siunnersuisooqatigiinnut sassarnissamat periarfissaq nalunaarutigaa, 20. November 2021 sassarnissamat killigitinneqarluni. Taassumap kingorna sassarsimasut akornanni kommunalbestyrelsi ilaasortassanik toqqaassallutik.

Maleruagassatigut tungavissat

- Inuit innarluutilit tapersersorneqarnissaannut Inatsisartut inatsisaat nr. 13, 12. juni 2019-imeersoq.
- Inuit innarluutilit tapersersorneqarnissaannut Namminersorlutik Oqartussat nalunaarutaat nr. 29, 7. august 2020-meersoq
- Innarluutilinnut siunnersuisooqatigiit pillugit ileqqoreqqusaq

Pissutit atuuttut

Innuttaasut sassarusullutik kissaateqartut arfinillit saaffiginninnikuupput, taakkunani marluk Maniitsumi innarluutilit peqatigiiffianeersuupput, ataaseq KIIP-imi, Kalaallit Nunaanni Inuusuttut Innarluutilit Peqatigiiffiani ilaasortaalluni, sinnerilu innuttaasuullutik peqatigiiffinnut ilaasortaangitsut.

Taakkunani sisamat Sisimiuni najugaqarput, sinnerilu marluk Maniitsumi najugaqarput.

Ileqqoreqqusat nutaat naapertorlugit piumasagaatit tulliuttut sapinngisamik eqqortinniarneqassapput:

§ 1. Siunnersuisooqatigiit 4-8-nik ilaasortaqarpoq, kommuni aamma innuttaasut inunnut innarluutilinnut attuumassuteqartut amerlaqatigiinik sinniisoqassallutik.

Tassa imaappoq sassartut saniatigut kommunimi, atugarissaarnermut immikkoortortami attuumassutilinnik suliaqartunik aamma kommunalbestyrelsemi ilaasortanik sinniisoqassasoq, tamanna isumaqarpoq kommunip sisamanik sinniisuutitassaanik taakkunani sulisunik marlunnik kommunalbestyrelsemilu ilaasortanik marlunnik aamma qinersisoqassasoq.

§2, imm. 2. Siunnersuisooqatigiit sapinngisamik amerlaqatigiinnik arnartaqarlutillu angutitaqassapput, naligiisitaanermut inatsit naapertorlugu.

Sassartuni sisamat angutaapput, sassartunilu marluk arnaallutik.

Piumasagaat eqquutsinniarlugu ataatsimiititaliaq suaassutsinit tamanit marlunnik qinersisinnaavoq imaluunniit kommunimit sinniisunik taasinermi suaassutsit agguataarnera nalimassarlugu.

§2, imm. 3. Ilaasortat inersimasuussapput aamma siunnersuisooqatigiinnut ilaasortanngorsinnaassagunik aalajangersimasumik kommunimi najugaqassapput.

Sassartut tamarmik inersimasuupput aamma tamarmik aaliangersimasumik kommunimi najugaqarput.

Atuilluartaunissakkut kingunerisinnaasai

Innarluutilinnut siunnersuisooqatigiiffianik pilersitsinermi innarluutilit atugaannik pitsanngorsaanissamik ukkataqartumik oqalliffimik pilersitsoqassaaq. Inuit innarluutilit siunnersuisooqatigiit aqputigalugit taamaasillutik nipeqalissapput, taakkualu immikkoortup

ineriartornissaannik peqataallutillu kommuunip naleqqutinngitsunik aaqqiissuteqannginnissaannik aqutissieqataassallutik.

Kommunitaaq susassaarfik pillugu ilisimaqarluartumik inuillu innarluutillit naligiissunik atugassaqartitaalernissaannik periarfissanik ilisimaqarluartumik sparringspartnerimik peqalissaaq.

Aningaasaqarnikkut allaffissornikkullu kingunerisinaasai

Allattoqarfeqarnermut tunngasunik suliassanut kommuuni pisussaataavoq ikiutissalluni.

Innarluutilinnut siunnersuisooqatigiit 2008-mili pilersinneqarneraniilli kommuuni allaffissornikkut ikiuuttarsimavoq sulianut aningaasaqarnerup allaffissornerullu tungaatigut taasarialimmik malunnaataannngitsumik.

Allaffeqarfiup naliliinera

Allaffeqarfiup nalilerpaa innarluutilinnut siunnersuisooqatigiit inuit innarluutillit atugaannik pitsaangorsaataasumik uummaarillutik susassaqarfiup ineriartortitseqataaffigalugu inissisimanissaat. Inuillu innarluutilinnut iluaqutaasumik, innarluutillit politikkiat piviusunngortinniarnani qitiusumik inissisimanissaat naatsorsuutigalugu.

Innersuussut

Atugarissaarnermut Immikkoortortaqarfiup Atugarissaarnermut Ataatsimiititaliamut innersuussutigaa:

- Innarluutilinnut Siunnersuisooqatigiiffimmut ilaasortassanik sassartut akornanni sisamanik taaseqqullugit.
- Innarluutilinnut Siunnersuisooqatigiiffimmut kommunip sinniisussaannik sisamanik taaseqqullugit.

Aalajangiineq

Ilaasortassatut taaneqartut ukuupput:

Oline Mikaelen, Aapalaannguaq Løvstrøm, Maniitsoq - Atsa Olsen, Pavia Olsen, Sisimiut

Sinniisussatut taaneqartut: Elisabeth Banemann, Marthine Mathiassen, Sisimiut - Louise Krristiansen, Asta Rosing, Maniitsoq

Ilanngussat

1. Innarluutilinnut siunnersuisooqatigiinnut sassarnissaq pillugu nalunaarut
2. Innarluutilinnut siunnersuisooqatigiit ileqqoreqqusat nutartikkat
3. Innarluutilinnut Siunnersuisooqatigiiffimmut sassartut atinik allattorsimaffik

06. Paasissutissiissutit

Imm. 6.1 Isumaginninnermi ikiorsiissutit pillugit kaajallaasitaq 1. januaari 2020-miit atuutilersoq pillugu paasissutissiissut.

Journalnr. 41.00

Tunuliaqutaq

2021-mi decembarip arfernani Isumaginninnermut, Suliffeqarnermut Nunamullu Namminermut Naalakkersuisoqarfiup kiisalu Meeqqanut, Inuusuttunut Ilaqutariinnullu Naalakkersuisoqarfiup ”Ulloq 1. Januar 2022 aallarnerfigalugu Isumaginninnermi ikiorsiissutit tunniunneqartartut atuuttut pillugit kaajallaasitaq” paasissutissiissutit Qeqqata Kommunianut nassiuppaat.

Maleruagassatigut tunngavigisaaq

- Angerlarsimaffimmi ikiorteqartitsisarneq pillugu Namminersornerullutik Oqartussat nalunaarutaat nr. 32, 26. juli 1994-imeersoq.
- Pisortanit ikiorsiissutit pillugit Inatsisartut peqqussutaat nr. 15, 20. november 2006-imeersoq
- Pisortanit ikiorsiissutit tunniunneqartarnerat pillugu Namminersornerullutik Oqartussat nalunaarutaat nr. 4, 15. marts 2007-imeersoq
- Meeqqanut akilersuutit il.il. kiisalu meeravissiartaarnermi tapiissutit tunniunneqartarneri pillugit Inatsisartut peqqussutaat nr. 2, 3. marts 1994-imeersoq
- Meeqqanut akilersuutit il. il. kiisalu meeravissiartaarnermi tapiissutit tunniunneqartarneri pillugit Inatsisartut peqqussutaata allanngortinneqarneranik Inatsisartut peqqussutaat nr. 3, 12. juni 1995-imeersup allanngortinneqarnera pillugu Inatsisartut peqqussutaat nr. 2, 12. juni 1995-imeersoq.
- Naartunermut, erninnermut, meeravissiartaarnermullu atatillugu sulinnigiffeqarallarneq pillugu Inatsisartut inatsisaat
- Utoqqalinermi pensionisiat pillugit Inatsisartut inatsisaat nr. 20, 23. november 2015-imeersoq kingusinnerusukkut allannguuteqartoq
- Siusinaartumik pensionisiat pillugit Inatsisartut inatsisaat nr 40, 9. december 2015-imeersoq
- Meeqqanut tapiissutit pillugit Inatsisartut inatsisaat nr. 9, 7. december 2009-imeersoq
- Meeqqanut tapiissutit pillugit Namminersorlutik Oqartussat nalunaarutaat nr. 10, 14. december 2018-imeersoq
- Inissiani attartortittakkani ineqarnermut tapiissutit pillugit Inatsisartut inatsisaat nr. 23, 7. december 2015-imeersoq
- Ineqarnermut tapiissutisinissamut appariartuaartitsinissamut killiliussat, aningaasanut killiliussat, akiliutip ilaata agguaqatigiissinnera nammineq akiligassaq kiisalu ineqarnermut tapiissutit aningaasartaasa minnerpaaffissaat annerpaaffissaallu pillugit Namminersorlutik Oqartussat nalunaarutaat nr. 20, 24. novembari 2017-imeersoq
- Meeqqat tapersorsorneqarnissaannut Inatsisartut inatsisaat nr. 20, 26. Juni 2017-meersoq
- Ilaqutariit paarsisartut pillugit Namminersorlutik Oqartussat nalunaarutaat nr. 13, 10. oktober 2019-imeersoq
- Meeqqanut ulloq unnuarlu paaqqinniffinnik pilersitsineq ingerlatsinerlu pillugit Namminersorlutik Oqartussat nalunaarutaat nr. 1, 25. januaari 2019-imeersoq
- Inuit innarluutillit tapersorsorneqarnissaannut Namminersorlutik Oqartussat nalunaarutaat nr. 29, 7. august 2020-meersoq
- Inuit innarluutillit tapersorsorneqarnissaannut Inatsisartut inatsisaat nr. 13, 12. juni 2019-imeersoq

- Inersimasunut paaqqinniffiit immikkut siunertallit pillugit Inatsisartut peqqussutaat nr. 6, 28. april 1988-imeersoq
- Inersimasunut paaqqinniffiit immikkut ittut pillugit Namminersornerullutik Oqartussat nalunaarutaat nr. 10, 1. april 1995-imeersoq
- 1. januar 2022-miit isumaginninnermi ikiorsiissutit tunniunneqartartut pillugit kaajallaasitaq

Pissutsit atuuttut

Naalackersuisoqarfiit qulaani pineqartut marluusut tunniunneqartartunut assigiinngitsinut marluusunut akigititat, kommuninit tapersuutitut, ikiorsiissutitut, tapiissutitut il.il. akineqartartunut aammalu ukiumut nutaamut 2022-mut atuuttussaasut nassiuppaat.

Akigititat innuttaasunut ataasiakkaanut tunniunneqartussat ilaannik amerlanerusunilluunniit pisinnaatitaasunut eqqortumik tunniussinissamik aalajangersaanissamut kommunip sulisuinit atorineqartussaapput.

Tunniussat ukiumut procentimik aaqqiissutissamik nalimmassarneqartarput, ilaat Aningaasanut inatsimmi nalimmassarneqartarlutik ilaallu Naalackersuisut aamma SIK akornani akissarsianut isumaqatigiisummik aallaaveqarput allallu Nordisk Konvention malillugu nalimmassarneqartarlutik.

Atuilluartuunissakkut kingunerisinnaasai

Akigititat ukiumut akit sorliit atuuttunnerinut sullissisut aqutsinissaannut oqilisaataasarpud tassa innuttaasunut ataasiakkaanut, pisut assigiinngitsut tunngavigalugit qanoq annertutigisumik tigusaqarsinnaanermut piumasaqaatit assigiinngitsuummata. Assersuutigiinnarlugu tunniussap annertussusaa siusinaartumik pensioninik tigusaqartartoq katissimanersoq apequtaatillugu annertussussilerneqartarpoq aammalu meeqqanut tapit pilersuisussaataasup isertitaanik aammalu meeqqat angerlarsimaffimmi najugaqatigineqartut amerlassusaannik aallaaveqartarput.

Aningaasaqarnikkut allaffissornikkullu kingunerisinnaasai

Paasissutissiissut aningaasaqarnikkut kinguneqassasoq naatsorsuutigineqanngilaq.

Allaffeqarfiup naliliinera

Allaffeqarfiup nalilerpaa, tunniuttakkat assigiinngitsut inatsimmi tunngavigisami sorlermiinnersut pillugit, akigititat suut atuuttuunersut aammalu tunniussat assigiinngitsut tunngavik sorleq atorlugu aalajangersarneqassanersut kaajallaasitaq pitsaasumik takussutissiisoq.

Innerssuussut

Atugarissaarnermut immikkoortortap Atugarissaarnermut Ataatsimiititaliamut innersuussutigaa:

- ”Ulloq 1. Januar 2022 aallarnerfigalugu Isumaginninnermi ikiorsiissutit tunniunneqartartut atuuttut pillugit kaajallaasitaq” pillugu paasisutissiissut tusaatissatut tiguneqassasoq

Aalajangiineq

Innersuussut tusaatissatut tiguneqarpoq

Ilanngussat

1. januar 2022-imiit isumaginninnermi ikiorsiissutit tunniunneqartartut pillugit kaajallaasitaq
2. Utoqqalinermi pensionisiat
3. Siusinnaartumik pensionisiat
4. Meeqqanut tapit
5. Ineqarnermut tapiissutit

Imm. 6.2 Kalaallit Nunaanni meeqqanut inuusuttunullu suliniutit patajaallisarneqarnissaat pillugit kalaallit qallunaallu oqartussaasoqarfiisa akimortumik suliallit akornanni suleqatigiinnermi suliniutit killiffii pillugit ilisimatitsissut

Journalnr. 42.00

Tunuliaqutaq

Meeqqanut, Inuusuttunut Ilaqutariinnut Naalackersuisup 2021-mi decembarip arfernanni, "Kalaallit Nunaanni meeqqanut inuusuttunullu aarlerinartorsiortunut suliniutit patajaallisarneqarnissaat pillugit kalaallit qallunaallu oqartussaasoqarfiisa assigiinngitsunik suliallit akornanni suleqatigiinnermut tunngatillugu killiffik pillugu allakkiaq 2020-2023" Qeqqata Kommunianut ilisimatitsissutitut nassiuppa.

Maleruagassatigut tunngavigisag

Tasiilami Kalaallit Nunaatalu sinnerani meeqqat ikiornissaannut Naalackersuisut danskit naalagaaffianut ikiorneqarnissamik qinnuiginnillutik saaffiginnissamut pisussaaffilerneqarnissaat pillugu Inatsisartut aalajangernerat

Pissutsit atuuttut

Naalackersuisut aamma Danmarkimi naalackersuisut meeqqat inuusuttullu atugarliortut pillugit suliniuteqarfiginissaat pillugu suleqatigiinnerup patajaallisarnissaa isumaqatigiissutigaa, tamanna 2019-imi upernaakkut ataatsimiinnermi Inatsisartut peqqusinerannik tunuliaqutaqarpoq.

Matuma kingorna suleqatigiissitaliortoqarpoq aqutsisoqatigiillu ivertinneqarput, suliniutitut anguniagassanik 16-inik suliaqarsimasunik ataatsimut isigalugu ima anguniagaqarfiussanik:

- Siusissukkut suliniuteqarneq pitsaaliuinerlu pillugit suliniutit tullerriaarnermi sallinngortissavaat, taamaalilluni atugarissaannginnermik, sumiginnagaanermik aamma innarliinerit pillugit ersiutit siusinnerpaamik pitsaaliorneqarlutillu paasineqassammata.
- Meeqqanut- inuusuttunullu suliaqarfinni kommunit sulianik suliarinnittarnerat patajaallisaavigissavaat, taamaalilluni oqartussaasut nalunaarutiginninnerit pillugit ullumikkumut naleqqiullugu sukkanerujussuarmik iliuseqartarniassammata.
- Katsorsarneqarnissamik neqeroorutit amerlineqarnissaat kingunerissavaa, taamaalilluni illoqarfinni nunaqarfinnilu meeqqat inuusuttullu atugarliortut amerlanerusut ikiorsiineq pisariaqartitartik piniassammassuk.
- Meeqqanut inuusuttunullu kinguaassititigut atonerlunneqarsimasunut inatsisitigut isumannaatsuuneq annertusassavaat.

Aqutsisoqatigiit ataatsimiinnerini aamma ministerit ataatsimiinnerini, ukiumut marloriarluni suliniutit killiffii pillugit ilisimatitsisarnissaq Naalackersuisup kissaatigaa taamaattumillu suliniutini killiffiit pillugit ilisimatitsissutitut nassiuppai, ilanngussani atuarneqarsinnaasut.

Atuilluartaunissakkut kingunerisinnaasai

Malitseqartitsinerit killiffiit pillugit nalunaarutitut ilusillit, suliniutit assigiinngitsut sumut killiffiinik tamakkiisumik takussutissiippat suliniutillu pissutsinut assigiinngitsunut allanngortikkumasanut atatillugu sunniuteqarnerannik paasissutissiillutik.

Tamakkiisumik takunnissinnaanerup iluarsiisoqarsinnaanera tamanna pisariaqarsimappat periarfississavaa, suliallu ingerlannerisa nalaanni ajornartorsiutinik naammattoorneqarsimasunut aaqqiissutissanik naassaarnissaq periarfississallugu.

Aningaasaqarnikkut allaffissornikkullu kingunerisinnaasai

Ilisimatitsissutip aningaasaqarnikkut kinguneqarnissaa naatsorsuutigineqanngilaq.

Allaffeqarfiup naliliinera

Allaffeqarfimmit nalilerneqarpoq, pissutsinut allannortikkumasanut sunniuteqartoqarsimanersoq naliliiffigissallugu suliniutit nutaajuallaartut, tassa pissutsit allannortikkumasat taama ittut piffissami sivilisuumi pisarmata. Tamatuma saniatigut kisitsisinik sanillersuussiffiusinnaasunik suliniutit ilaat peqanngillat, tassa sumiiffinni assigiinngitsuni nalunaarsueriaatsit atukkat assigiinngitsuummata. Taamaakkaluortoq kisitsisit takussuserpaat, meeqqat pisinnaatitaaffiinik qulakkeeriniarnermi suliniutit ingerlanneqarnissaat suli annertuumik pisariaqartinneqartoq, meeqqat atugarliortut ikiorneqarnissamik pisariaqartitsinerat qulakkeerumallugu.

Nalunaarutiginninnerit amerlassutsimikkut qaffasissusiat tassaasinnaavoq, meeqqanut atugarliortunut atugarliornermik takutitsisunut inuit maluginiagaqarnerusalersimanerat, tamannalu nalunaaruteqarnernik amerlanerusunik inerneqartoq immaqalu allanit nalunaarutigineqareersumut meeqqanut pineqartumut tassunga nalunaaruteqarnernik amerlanerusunik pilersitsisusooq. Kommunitisinni apersuinerup takussuserpaa, sulisut meeqqanik suliaqartut allannuutinik takusaqartoqarsinnaannginnera pissutigalugu ilungersuallutik meeraq pineqareersoq pillugu nalunaaruteqarnernik amerlanerusunik tunniussisarnerat takussaasoq. Tamanna sulianik suliarinnittartut sulinerminni tatineqarnerannik annertuseeqataasinnaavoq, sulianillu suliarinninnerup sivilisunerulerneranik pilersitsisinnaalluni. Systemi nutaaq siunissami siulianik suliarinnittartut atuligassaat piareersarneqartorlu, ilaatigut ajornartorsiutinik taama ittunik naammattuuisoqartannginnissaanik siunertaqaralarpoq sulianillu suliarinnittarneq ajornannginnerulersittussaallugu.

Suliniutit arlallit aamma assigiinngitsunik patsiseqartumik kinguaattooqqapput, tamatumalu kingunerisaanik suliniutit arlallit suli piareersaanerup nalaaniipput imaluunniit nukissat amigarnerannik eqqugaqqallutik. Suliniutinut arlalinnut tunngavissaassaaq piffissap sivilisunerusup ingerlareernerani piunasaqaatini aallunneqartuni inernerusumik allannuutinillu takusaqarsinnaalernissaq.

Innerssuussut

Atugarissaarnermut immikkoortortap Atugarissaarnermut Ataatsimiititaliamut innersuussutigaa:

- "Kalaallit Nunaanni meeqqat inuusuttullu aarlerinartorsiortut pillugit patajaattumik suliniuteqarnissaq pillugu kalaallit qallunaallu oqartussaasoqarfiisa assigiinngitsunik suliallit akornanni suleqatigiinnermi killiffik pillugu ilisimatitsineq" tusaatissatut tiguneqassasoq.

Aalajangiineq

Innersuussut tusaatissatut tiguneqarpoq

Ilanngussat

1. Killiffik pillugu allakkiaq november 2021 KAL
2. Killiffik pillugu allakkiaq november 2021 DA
3. Siuniutit killiffiat pillugu allakkiaq 11-15 KAL
4. Suliniutit killiffiat pillugu allakkiaq 11-15 DA
5. Borgemesterimut allagaq KAL
6. Borgemesterimut allagaq DA
7. Killiffik pillugu nalunaarussiaq ukiaq 2021 KAL
8. Killiffik pillugu nalunaarussiaq ukiaq 2021 DA

Imm. 6.3 Kalaallit Nunaanni ilaqutariit paarsisartoqarnerup paasiniaaffigineqarnera pillugu paasissutissiissut

Journalnr. 42.01

Tunuliaqutaq

Meeqqanut, Inuusuttunut, Ilaqutariinnut Naalakkersuisoqarfiup 2021-mi novembarip 19-iani ”Kalaallit Nunaanni ilaqutariit paarsisartoqarnerup paasiniaaffigineqarnera”-nut nalunaarusiaq Qeqqata kommunianut paasissutissiissutitut nassiuppaa.

Maleruagassatigut tunngavigisat

Ilaqutariit paarsisartut pillugit Namminersorlutik Oqartussat nalunaarutaat nr. 13, 10. oktober 2019-imeersoq

Pissutsit atuuttut

Meeqqanut, Inuusuttunut, Ilaqutariinnut Inatsisillu Atuutsinneqarneranut Naalakkersuisoqarfiup Kalaallit Nunaanni ilaqutariit paarsisartoqarnerup misissuiffigineqarnissaa inniminneerpaa, tamannalu VIVE-mit – Viden til Velfærd, Det Nationale Forskning- og Analysecenter for Velfærd ingerlanneqarpoq. Misissuinerup siunertarivaa, meeqqat ilaqutariinnut paarsisartunut inissinneqarnikuusut ingerlanerat ineriartorneqatalu pitsanngorsaneqarnissaanik siunertalimmik immikkoortup nukittorsarneqarnissaa., makku misissuiffigineqarnerisigut:

- Meeqqat ilaqutariit paarsisartuniittut ilisarnaataat pisariaqartitaallu
- Ilaqutariit paarsisartut piginnaasaqarfii ilaqutariillu paarsisartutut inuunermik misigisaat.
- Ilaqutariit paarsisartunut tunngasunik kommunip periusaa, 2017-imi inatsisip atuutilersinneqarnera ilanngullugu.

Nalunaarusiaq immikkoortortap nukittorsarneqarsinnaanerani innersuussutinik eqqarsaatersuutinillu imaqartillugu naggaserneqarpoq:

1. Meeqqat- aamma ilaqutariit immikkoortuani siusissukkut iliuuseqarneq aamma annertusisamik pinaveersaartitsineq, assersuutigalugu ilaqutariinnut kiffartuussiviit aqqutigalugit

Innersuutigineqarpoq ilaqutariinni kiffartuussiviit neqeroorutaat, ilaqutariinnut pikkorissaanerit aamma ilaqutariinnut katsorsaanerit paariinneqassasut nukittorsarneqarlutillu taamaalillutik angajoqqaat aamma ilaqutariit isumassuisinnaariaasaat nukittorsarneqarlutik.

2. Meeqqanut minnernut aamma meeqqanut oqinnerusunut ilaqutariit paarsisartut annertunerusunik akisussaaffeqarnissaat

Meeqqat unaminartitaqannginnerusunut ilaqutariit paarsisartut sinaakkutaat nalinginnaanerusut aamma isumassuinerit aalajaannerusunut iluaqutigisinnaavaat, tassani utaqqiisaa meeqqanut inuusuttunngortuni meeqqanullu katsorsarneqarnissamik pisariaqartitsinerusunut paaqqinnittarfiit suliuataat salliunneqarsinnaanerit eqqarsaatersuutigalugu. Ilutigitillugu sulissutigineqarpoq ulloq unnuarlu angerlarsimaffiit qasuersaarfittut inissiiviusinnaanerata ilaqutariillu paarsisartut ilisimasalinnik avitseqarteqarsinnaanerattut sinaakkutitut annerusarneqarnissaat.

3. Ilaqutariit paarsisartut assigiinngissusaanut naatsorsuutigisat – akissarsiaritinneqartut assigiinngisitaarnerat

VIVE-p innersuussutigaa, ilaqutariit paarsisartut meeqqamik angerlarsimaffiup avataanut inissitamik paarsinerminni minnerpaamik akissarsiallit, meeqqap paarineranut akiligassanut akissarsiat ilumut naapertuunnersut misissuiffigineqassasoq.

Tamatuma saniatigut VIVE-p innersuussutigaa, meeqqat unamminartitaanik ilaqutariillu paarsisartunut naatsorsuutigisat kiisalu akissarsiaritineqartut taakkulu annertussusilerneqartarnerata attuumassuteqarnerat pillugu modelli ingerlatiinneqassasoq, ilaatigullu meeqqat immikkut unamminartitaat aamma Kalaallit Nunaanni ilaqutariittariaaseq aallaavigalugit naleqqussarneqassasut.

4. Ilaqutariit paarsisartunik ilinniarttisarnermik, tapersersuisarnermik imajaasarnermillu paarinniinnaarneq annertusaanerlu
 - VIVE-p innersuussutigaa, sumiiffimmi ilitsersuisut ilinniagaat atorluarneqassasoq, modulikkaartumik ilinniagaqarnerup sulissutigeqqinnissaa aammalu meeqqat aalajangersimasumik sullitassat pillugit imaluunniit ilaqutariit paarsisartut immikkut unamminartissinnaasaat pillugit attuumassutilinnik ilinniagaqaaqqiffiusinnaasoqassasoq. Specifikke børnemålgrupper eller særlige udfordringer, som plejefamilierne kan stå i.
 - Aammattaaq innersuussutigineqarpoq kommunip iluani ilaqutariit paarsisartunut tamanut akulikitsumik imajaasinnaaneq neqeroorutigineqartassasoq atorneqarlunilu.
 - Meeqqat pillugit pinartumik pisoqartillugu aamma oqilisaanerup iluani, tapersersuinikkut-aamma oqilisaassinnermi periarfissaqarnikkut aqqissussaannerusumik iliuuseqartoqassasoq innersuussutigineqarpoq, tassani pinasuartumik tapersersorneqarnissamik sumiiffimmi meeqqat ulloq unnuarlu angerlarsimaffiata sulisuinut, ilaqutariinnut kiffartuussivinni inuusuttut pillugit siunnersuisunut imaluunniit politiinut saaffiginnissinnaanissaq neqeroorutaasinnaasoq.

5. Atuutilersitsineq nukittunerusoq aamma inatsip pioreersup ersarissarneqarnissaa. VIVE-p erseqqissaatigaa, inatsit 2017-meersup nukittunerusumik atuutsinneqarnissaa pisariaqartoq, misissuinerup takutimmagu tulliuttuni pitsanngorsaasoqarsinnaasoq, akuersissutit, isumaginninnermik misissuinerit, ilaqutariit paarsisartunngornianik ilitsersuinerit, ilaqutariit paarsisartut akisaarsiaasa assigiissarnissaanik periarfissaqarnerit aammalu ilaqutariit iluanni inissiinnermik aqqissussat kiisalu qanigisat iluanni inissiinnermik aqqissussat akuerineqarnerani malittarisassat.

6. Qitiusumik nakkutilliiveqarfiup aamma kommunimik suleqatiginninnerup nukittorsarneqarnera

VIVE-p innersuussutigaa, qitiusumik nakkutilliiveqarfiup nukittorsarneqarnissaa, tassani kommunit akornanni/kommunimik suleqateqarneq aqqissuussaannerusinnaasoq tassani illutik malittarisassanik paasininneq aamma periutsinik ineriartortitsineq.

7. Kommunit isumaginninnikkut ingerlatsiveqarfiini paarinniinnerit, atorfinitsitsinerit aamma piginnaasanik qaffassaanerit

Kommunini isumaginninnermik ingerlatsiveqarfiit immikkoortortaqarfiisa ilassuteqarfigineqarnissaat sulissutigineqaannassasoq innesuussutigineqarpoq, kommuni ilinniarsimasunik atorfinitsitsinissamik aamma paarinniinnarnissamik ajornartorsiuteqarsinnaammat.

8. Aningaasaqarneq nukittunerusoq

Pisimasuni suliniuteqarfiusimasut aamma eqqarsaatersuutit suliniuteqarfigineqaqqissappata amerlanerusunik aningaasaliinissaq pisariaqalersinnaavoq.

Ilaqutariit paarsisartut meeqqanik tapersersuinissamat eqqortumik atugaqarnissaat aamma sinaakkuteqarnissaat qulakkiissallugu kommunit akisussaaffigaat, soorluttaaq kommunip akisussaaffigaa meeqqap angerlarsimaffiup avataanut inissinneqartup ilaqutariit paarsisartut

tunniussinnaasaat aallaavigalugit atugarissaarnissamik aamma ineriartornissamik pitsaasumik sinaakkuteqassasoq.

Atuilluartuunissakkut kingunerisinnaasai

Immikkoortortaqrarfiup qitiutinneqarnerata aamma innersuussutit tunuliaqutigalugit suliniuteqarnerit ilaqutariit paarsisartoqrarfiit nukittorsarneqassapput, tamannalu meeqqat angerlarsimaffiup avataanut inissinneqartut atugarissaarnerulernerannik takussutissiisaaq.

Ilisimatusarnerummi takutippaa meeqqat ulloq unnuarlu angerlarsimaffinnut inissinneqarsimasunut tunngatillugu, meeqqat ilaqutariit paarsisartunut inissinneqarsimasut tapersorsorneqartutut, nuannarineqartutut, toqqissisimanerusutut angerlarsimaffeqarpalaartutullu misiginerusartut aammalu akulikinnerusumik kammatik ilagisaraat kiserliunnginnerusarlutillu.

Aningaasaqarnikkut allaffissornikkullu kingunerisinnaasai

Paasissutissiinerup aningaasaqarnikkut kinguneqarnissaa naatsorsuutigineqanngilaq.

Allaffeqarfiup naliliinera

Allaffeqarfik naliliivoq innersuussutit atuutilersinneqanerat kommunimut, ilaqutariit paarsisartunut aamma meeqqanut iluaqutaassasut. Ilaqutariit paarsisartut immikkoortortaqrarfiata nukittorsarneqarnera kommunip aningaasaqarneranut iluaqutaassaaq, ulloq unnuarlu angerlarsimaffinnut inissiineq ilaqutariit paarsisartunut inissiinermut sanilliullugu akisunerummat. Ilaatigut piffissaq sivilisunerusoq isigissagaanni ulloq unnuarlu angerlarsimaffimmut inissiinerit ilaqutariit paarsisartunut inissiinernit ikinneruppata amerlanerit kommunimit ikiorneqarnissaq pisariaqartikkunnaassavaat, meeqqat ilaqutariit paarsisartunut inissinneqarsimasut inersimassunngoraangamik pitsaanagerusumik nammineersinnaassuseqarnerusarmata.

Ilaqutariit paarsisartut ilinniagaqarfissaqartinneqarnerisigut qitiutinnerullugit aamma annerusumik imaajaaffissaqartitsinerup kingunerissavaa meeqqap toqqissisimasumik angerlarsimaffeqartinneqarnissaanut aamma ineriartorsinnaanissaanut aqutissiuissinnaanissamut sakkusaqarneruneq.

Innerssuussut

Atugarissaarnermut immikkoortortap Atugarissaarnermut Ataatsimiititaliamut innersuussutigaa:

- Paasissutissiissut ”Kalaallit Nunaanni ilaqutariit paarsisartqarnermik misissuineq” pillugu nalunaarusiaq tusaatissatut tiguneqassasoq

Aalajangiineq

Innersuussut tusaatissatut tiguneqarpoq

Ilanngussat

1. Kalaallit Nunaanni ilaqutariit paarsisartoqarnerup misissuiffigineqarnera

08. Tamalaat

Atugarissaarnermik ataatsimiititaliap ataatsimiittarnissaa Teknikeqarnermi ataatsimiititaliarlu qaleriittalersimaneq pillugu, siunnersuutigineqarnissaa ataasinngornikkut ataatsimiinerit ingerlasalernissaa pialissasoq. Kingusinnerusukkut nalunaarutigineqarumarpoq ataatsimiiffissat inisseriarpata.